

**ISTRAGE** Inspektori SIPA-e pretresli bijeljinsku Pavlovića banku


Na osnovu naloga Tužilaštva BiH, pripadnici SIPA-e pretresali poslovnice Pavlovića banke u Bijeljini, Banjoj Luci i Doboju, istražujući slučaj pranja novca

➤ str. 2.

SIPA pretresla bijeljinsku Pavlovića banku

# Obruč oko Dodika zbog vile na Dedinju

Pripadnici SIPA-e pretresali poslovnice Pavlovića banke u Bijeljini, Banjoj Luci i Doboju, istražujući slučaj pranja novca

PIŠE **ALMIR ŠARENKAPA**

**P**itanje kako je aktuelni predsjednik RS-a Milorad Dodik kupio vilu u naselju Dedinje u Beogradu, zainteresovalo je Tužilaštvo BiH u dovoljnoj mjeri da izda nalog agentima SIPA-e za pretres prostorija Pavlović banke u Bijeljini, Banjoj Luci i Doboju. Ti pretresi obavljani su jučer, a potvrdu

da je riječ o istrazi protiv Dodika dala je direktorica banke u Bijeljini Ružica Janković.

-Njima je već dostavljena dokumentacija koju su tražili, sasvim korektno i profesionalno su odradili svoj posao i mi smo na isti način udovoljili zahtjevima – kazala je Janković nakon pretresa koji je obavila SIPA.

**Pranje novca**

U Tužilaštvu BiH i SIPA-i jučer nisu željeli govoriti o detaljima akcije, niti o njenom nastavku. Tek je u saopćenjima glasnogovornika pojašnjeno:

- Pretresi dokumentacije vrše se u okviru istrage koju vodi Tužilaštvo BiH, a u vezi s krivičnim djelima finansijskog kriminala. Nakon pretresa,

Page: 1

Reach: 0

Country: BOSNIA AND HERZEGOVINA

Size: 1020 cm2

2 / 2

određena dokumentacija bit će oduzeta kao dokazni materijal – kazao nam je portparol Tužilaštva BiH Boris Grubešić.

Iz SIPA-e su bili ponudili i nekoliko detalja više:

- Pretresi se vrše s ciljem pronalazaženja i privremenog oduzimanja dokumentacije i drugih predmeta koji mogu poslužiti kao dokaz za izvršenje krivičnog djela “pranja novca” – saopćila je portparolka SIPA-e Kristina Jozić.

Iako državne istražne institucije nisu željele govoriti o detaljima, jasno je da agenti istražuju vilu na Dedinju. Dodik je ranije isticao da je vilu na Dedinju, po cijeni od milion i po KM, kupio zahvaljujući kreditu kojeg mu je odobrila Pavlović banka, u vlasništvu čikaškog biznismena Slobodana Pavlovića. Međutim, nedavno su iz opozicionog SDS-a obznanili dokumentaciju iz koje je vidljivo da je kredit odobren godinu nakon obavljene kupovine, a sve je urađeno fiktivno kako bi se u konačnici spriječila istraga protiv Dodika o porijeklu milion i po maraka, kojom je kupljena vila.

Drugi razlog za pretres, kako saznajemo, je navodno pranje novca, odnosno sumnjive transakcije Pavlovićeve firme Slobomir, koja je izdavala poslovne prostore i naplaćivala kiriju od Pavlović banke.

#### **Svjedok Tužilaštva**

Ako je zaista Slobodan Pavlović i kakvo je njegovo partnerstvo sa Miloradom Dodikom? Prije mjesec Slobodan Pavlović se pojavio pred Tužilaštvom BiH, ali kao svjedok, kako je tada tvrdio. Jedno od pitanja o kojima je svjedočio bila je i Dodikova kupovina vile na Dedinju. Prema navodima pojedinih medija Pavlović je drugoosumnjičeni u ovom slučaju. Osim spornog datuma odobravanja kredita, uz ovaj slučaj se veže i navodno davanje garancije Vlade RS-a za ovaj kredit. Na čelu Vlade je tada bio kupac Milorad Dodik. Osim toga, navodno je kao dodatnu garanciju vraćanja kredita Dodik ponudio ugovor

sa Izraelskom ambasadom u Beogradu o iznajmljivanju prostora. Međutim, Ambasada Izraela nikada nije uselila u pomenuti prostor.

Ono što bi možda moglo zanimati istražitelje Tužilaštva je i da li postoji veza između kupovine Dodikove vile na Dedinju i kredita od pet miliona maraka kojeg je Investicijsko- razvojna banka RS-a odobrila Pavlović banci, a koji je realizovan preko propale Bobar banke.

Komentar pretresa zatražili smo i od Duška Tomića, advokata Slobodana Pavlovića. Osim što je kazao da je obaviješten o pretresu, Tomić nije želio bilo šta komentarisati.

- Prvo se moram čuti sa gospodinom Slobodanom Pavlovićem, ali zbog vremenske razlike sa Amerikom, ne vjerujem da ću imati bilo kakav komentar prije sutra ujutro (danas op.a.) – kazao nam je Tomić.

### **MEKTIĆ POČEO OBRAČUN**

## **Prvo “velike ribe”**

Ministar sigurnosti Bosne i Hercegovine Dragan Mektić nedavno je izjavio da je januar mjesec u kojem će početi obračun sa “velikim ribama”, odnosno sa istragama kriminala koji su počinile, ili iza kojeg stoje, poznata politička imena. Pitali smo ministra Mektića da li je jučerašnja akcija u trima gradovima RS-a najavljeni početak obračuna.

-Da, apsolutno – potvrdio je Mektić, ne želeći komentarisati detaljnije, s obzirom da je riječ o predistražnim radnjama koje provodi državna agencija pod njegovom komandom, te nacionalno Tužilaštvo.

## **PAVLOVIĆA ĆUPRIJA KOD BIJELJINE Poklon od 25 miliona KM**

Svojevremeno su mediji u RS-u pisali o mostu kojeg je kod Bijeljine izgradio Slobodan Pavlović. Ovaj objekat je izgrađen po modelu koncesije, odnosno Pavlović je izgradio most i naplaćivao prelazak preko njega.

Prema koncesionom ugovoru, Pavlović je zauzvrat trebao dio prihoda od mostarine investirati u razvojne projekte u RS-u, ali u prvih petnaestak godina nije finansirao niti jedan takav projekat. Za to vrijeme, kako su tvrdili mediji, ostvario je prihod od 25 miliona KM.

Prema računici koju su objavljivali mediji, samo na Pavlovića mostu, njegov vlasnik je ostvarivao prihod od oko 4.000 maraka dnevno.

Pri tome Slobodan Pavlović je firmu, na osnovu koje je dobio koncesiju, Drina River Bridge, navodno registrovao u Srbiji, tako da je porez na ostvareni prihod plaćao u toj državi, a ne u BiH.



**Slobodan Pavlović** pred Tužilaštvom BiH kada je davao izjavu kao svjedok

FOTO: K. SORIĆ